



**NY FOTOANA FARANY.  
Les derniers jours de Jésus.**

**Fiarahabana**

**Fanolorana :** Ny fotoana farany na ny fotoana farany mialoha ny hahafatesan'i Jesoa. *Les derniers jours de Jésus.* No harahintsika amin'ity herinandro ity.

Ka anio dia mikasika " **Ireo adihevitra nataon'i Jesoa.**" na " *Les controverses.*" araka ny hita ao amin'ny **Matio 22.15-46.**

**Vavaka**

**Vakiteny 1 : Matio 22.15-22**

*15 Ary tamin' izay dia lasa ny Fariseo ka niara-nisaina mba hamandrika Azy amin' ny teniny.16 Dia naniraka ny mpianany mbamin' ny Herodiana hankeo aminy izy ka nanao hoe: Mpampianatra ô, fantatray fa marina Hianao ka mpianatra marina ny làlan' Andriamanitra ary tsy manahy olona, satria tsy mba mizaha tavan' olona.17 Koa lazao aminay ary izay hevitrao: Moa mety va ny mandoa vola hetra ho an' i Kaisara, sa tsia? 18 Fa Jesosy nahalala ny faharatsiany, dia nanao hoe: Nahoana no maka fanahy Ahy hianareo, ry mpihatsaravelatsihy?19 Asehoy Ahy ny farantsakely fandoa amin' ny hetra. Dia nitondrany denaria Izy.20 Ary hoy Jesosy taminy: An' iza ity sary sy soratra ity? 21 Hoy izy taminy: An' i Kaisara. Dia hoy Jesosy taminy: Aloavy ho an' i Kaisara ary izay an' i Kaisara, ary ho an' Andriamanitra izay an' Andriamanitra.22 Ary nony nahare izy, dia gaga, ary dia nandao Azy ka lasa nandeha.*

**Hira 437 :1,2,3** Ry Jeso Kristy Tompo

**Vavaka**

Mba tsy hiray tsikombakomba amin'ny ratsy hoentina hanamarinana ny fanao tsy araka an'Andriamanitra.

Tsy ho mpihatsaravelatsihy fa ho marina eo anatrehan'ny Tompo.

Mba hahay hanao petra-karena any an-danitra fa tsy ho variana amin'ny ety an-tany

## **Vakiteny 2 : Matio 22.23-33**

*23 Tamin' izany andro izany dia nankeo amin' i Jesosy ny Sadoseo sasany, izay milaza fa tsy misy fitsanganan' ny maty, ka nanontany Azy hoe:24 Mpampianatra ô, Mosesy nilaza hoe: Raha misy maty momba, aoka ny rahalahiny hampakatra ny vadiny ka hiteraka hamelo-maso ny rahalahiny..25 Koa nisy fito mirahalahy tetỳ aminay; ary ny zokiny nampaka-bady, dia maty, ary satria tsy nanan-janaka izy, dia navelany ho an' ny rahalahiny ny vadiny;26 ary toy izany koa ny faharoa sy ny fahatelo, hatramin' ny fahafito.27 Koa faran' izy rehetra dia maty koa ravehivavy.28 Ary amin' ny fitsanganan' ny maty, ho vadin' iza amin' izy fito mirahalahy moa ravehivavy? satria efa samy nanambady azy avokoa izy rehetra.29 Ary Jesosy namaly ka nanao taminy hoe: Mahadiso hevitra anareo ny tsi-fahafantaranareo ny Soratra Masina na ny herin' Andriamanitra.30 Fa amin' ny fitsanganan' ny maty dia tsy mba hisy hampaka-bady, na havoaka hampakarina, fa ho tahaka ny anjely any an-danitra izy.31 Fa ny amin' ny fitsanganan' ny maty, moa tsy mbola novakinareo va ny teny nataon' Andriamanitra taminareo manao hoe:32 Izaho no Andriamanitr' i Abrahama sy Andriamanitr' Isaka ary Andriamanitr' i Jakoba ? Andriamanitra tsy an' ny maty, fa an' ny velona.33 Ary ny vahoaka, raha nandre, dia talanjona tamin' ny fampianarany.*

**Hira : 643 :3** Mba matokia ny hery tsy hita

### **Vavaka**

Mba tsy hiorina amin'ny mandalo sy ny hita maso ny finoantsika ny asan'Andriamanitra fa hiorina amin'ny ambaran'ny teniny sy ny hanomanany antsika dia ny mandrakizainy. Hivavaka ho an'ireo marary, indrindra ny rahalahy Mamy Rakotomalala, vadin'ny Filohan'ny Tafo Nice ankehitriny mba hiasa eo amin'ny Ilay manana ny hery tsy hita.

## **Vakiteny 3 : Matio 22.34-40**

*34 Fa ny Fariseo, nony nandre fa nampahasina ny Sadoseo Izy, dia niangona.35 Ary ny anankiray tamin' ireo, izay mpahay lalàna, nanontany naka fanahy Azy ka nanao hoe:36 Mpampianatra ô, ny didy manao ahoana moa no lehibe ao amin' ny lalàna?37 Dia hoy Jesosy taminy: Tiava an' i Jehovah Andriamanitrao amin' ny fonao rehetra sy ny fanahinao rehetra ary ny sainao rehetra.38 Izany no didy lehibe sady voalohany.39 Ary ny faharoa, izay tahaka azy ihany, dia izao: Tiava ny namanao tahaka ny tenanao.40 Izany didy roa izany no ihantonan' ny lalàna rehetra sy ny mpaminany.*

**Hira : 530 :1,2,3** Fitiavana rano velona

### **Vavaka**

Mba hahay mitia amin'ny fitiavana feno ny ao amin'ny isan-tokan-trano sy ao ampiangonana. Hivavaka isika mba handroso ny fikarohana sy ny fahitana vakisiny fanefitra amin'ity valan'aretina coronavirus ity.

**Vakiteny 4 : Matio 22.41-46**

*41 Ary rehefa tafangona ny Fariseo, dia nanontany azy Jesosy ka nanao hoe:42 Ahoana no hevitrareo ny amin' i Kristy? Zanak' iza moa Izy? Hoy izy taminy: Zanak' i Davida.43 Hoy Jesosy taminy: Koa nahoana ary Davida amin' ny Fanahy no manao Azy hoe Tompo, ka manao hoe:44 Jehovah nilaza tamin' ny Tompoko hoe: Mipetraha eo an-tanako ankavanana Ambara-panaoko ny fahavalonao ho eo ambanin' ny tongotrao ?45 Koa raha Davida ary manao Azy hoe Tompo, ahoana no maha-zanany Azy?46 Dia tsy nisy nahavaly Azy na dia teny iray akory aza; ary hatramin' izay andro izay dia tsy nisy sahy nanontany Azy intsony.*

**Hira : 210 :1,2,3.** Zava-tsoa tokoa ny fitsipikao

**Vavaka.** Malalaka

**Fehiny. Rom.12.1-3**

*1 Koa amin' izany mangataka aminareo aho, ry rahalahy, noho ny famindrampon' Andriamanitra, mba hatolotrareo ny tenanareo ho fanatitra velona, masina, sitrak' Andriamanitra, dia fanompoam-panahy mety hataonareo izany.2 Ary aza manaraka ny fanaon' izao tontolo izao; fa miova amin' ny fanavaozana ny saina, hamantaranareo ny sitrapon' Andriamanitra, dia izay tsara sady ankasitrahana no marina.3 Fa noho ny fahasoavana nomena ahy dia izao no lazaiko amin' ny olona rehetra izay eo aminareo: Aza miavonavon-kevitra ka mihevitra mihoatra noho izay tokony hoheverina; fa mihevera izay onony araka ny ohatry ny finoana izay nozarain' Andriamanitra ho anareo avy.*

**Hira : 210 : 5** Ry Jesosy ô, Mpampianatray

**`Tsodrano 1Tes.5.23**

Ary Andriamanitry ny fiadanana anie hahamasina anareo samy ho tanteraka, ka aoka harovana avokoa ny fanahinareo sy ny ainareo ary ny tenanareo ho tanteraka ka tsy hanantsiny amin' ny fihavian' i Jesosy Kristy Tompontosika.